

Deacair dóigh as daghurraidh

[Mac Airt, Seán, *Leabhar Branach*, Dublin, 1944, poem 22]

Niall Ó Ruanadha .cc.

1 Deacair dóigh as daghurraidh;
cér ghnáth dóigh dhíobh do dhénaimh
tol ní fhuardas d'anamhain
ó thuaidh gan teacht dot fhéchain.

2 Dóigh oinigh do-rinneamair
dhíot, a chodhnaigh chláir Branach;
do shaoil mé acht an chinneamhain,
sí dhúinn go ttiubhradh taradh.

3 Níor dhiúltais riamh romhainne
aoinneach d'éigsibh Fhuinn Énna
go ttarla d'ádh oruinne
sibh, a Fhiachaíd, dom éra.

4 Dóigh a daoinibh tásgmhara
mur taoi-se, a mhic mhic Sheaáin,
go diúltadh mo dhána-sa
minic riamh nár mheath deaghdháigh.

5 Tar fhéile an fhuinn Ultaigh-sin
acht do rodháigh as t'eineach
créd fa ttiocfainn chugaibh-si?
thall féin do-ghébhainn m'beitioch.

6 Uait gan díol mo dhána-sa
a Laighníbh d'éis mo chuarta
dá ndeacha mé lámhfholamh,
molfad an t-áth mar fhuardas.

7 Guais, a ghruaidh mur dhonnchorcair,
tar éis a ndearnuis d'einioch
go mbiadh do chlú a gcontabhairt -
a-nú fam dhán-sa d'beitioch.

8 Dá ndeachadh sí a romhoille,
do shaoil misi, a dhreach nuaidhe,
nách raibhe d'uain orainne
acht teacht ar ceann mo dhuaise.

9 A ghnúis ríoghdha raineartmhar,
dá gcuirtheá druim rém dhíol-sa,
biaidh uair ort 'na aithriochus;

ní comhthrom bíd na síona.

10 Tarla dhamh re a innisin
sgél bheanus réd dhreich nuaidhe;
leanfaidh mé don tshlighe-sin?
do-chuaidh Breicne lá go Cruachain.

11 Dob í toisg an ardollaímh
ó chlainn Róigh go rígh Connacht,
ad cheann-sa mar thángamair,
teacht lé duain milis mholta.

12 Gan díol mar do-chuadhas-sa
uait, a bhranáin Fhuinn Énna,
ó thriath an chláir Chruachan-soin
do-chuaidh Bricne fá éra.

13 Mar ráinig an file-sin
ar ais go hóbhaíd Eamhna,
teisd nár bh éidir d'innisin
tug ar thriath cóigidh Meadbhá.

14 Sgél é ararbh inleanta,
airdrí Connacht, cruth solus,
ar omhon a imdheargtha
filltear ar ais an t-ollamh.

15 Duas nách fríoth a comhchosmhaile
fuair Bricne do luach cairde;
meadh chomhthrom an bhronnaidh-sin
béraidh misi ó mhac Saidhbhe.

16 Níor chleacht an t-óg airmleabhar
diúltadh don druing dá bhfoilim;
beag nách ionann airdheana
do mhac Aodha agus d'Oilill.

17 Fear gan obadh énscoile,
réalta eóil cloinne Cathaoir,
ní mór nách é ar n-érai-ne
céim as mó 'nar thuill tathaoir.

18 Lé héigsibh gach aonoirir
cia fada do-chuaidh t'ainm-si
t'úidh damh-sa níor aontuighis
cémadh beag iarruidh cairde. Decair